

## **Komisija za vrijednosne papire Federacije Bosne i Hercegovine**

Na osnovu člana 11. tačka 1. i člana 12. stav 1. tč. 5. i 6., a u vezi sa članom 13. Zakona o Komisiji za vrijednosne papire („Službene novine Federacije BiH“, broj 39/98, 36/99 i 33/04) i člana 270. stav 1. tačka b) Zakona o tržištu vrijednosnih papira („Službene novine Federacije BiH“, broj 85/08), Komisija za vrijednosne papire Federacije Bosne i Hercegovine, na 298. sjednici odražnoj dana 15.12.2010. godine, donijela je

### **Pravilnik o dopuni Pravilnika o emisiji vrijednosnih papira**

#### **Član 1.**

U Pravilniku o emisiji vrijednosnih papira („Službene novine Federacije BiH“, broj 18/09) iza člana 35. dodaje se novi član 35a., koji glasi:

„Član 35a.

(1) Emitent može emitovati obveznice i druge dužničke vrijednosne papire, izuzev zamjenjivih obveznica po Zakonu o privrednim društvima („Službene novine Federacije BiH“, broj 23/99, 45/00, 2/02, 6/02, 29/03, 68/05, 91/07, 84/08, 88/08, 7/09 i 63/10), radi zamjene svoje dospjele neizmirene obaveze prema vjerovniku po drugom pravnom poslu (prenov), u skladu sa čl. 348.- 352. Zakona o obligacionim odnosima („Službeni list RBiH“, broj 2/92, 13/93 i 13/94).

(2) Izuzetno od člana 11. ovog pravilnika, emisija iz stava 1. ovog člana provodi se kao emisija javnom ponudom ili kao emisija zatvorenom ponudom ili kao dio tih emisija, u skladu sa zakonom, ovim pravilnikom i drugim propisima.

(3) U odluci o emisiji i prospektu obavezno se navodi o kojoj se emisiji radi, te ukoliko se radi o dijelu emisije javnom ili zatvorenom ponudom obavezno se navodi iznos i količina vrijednosnih papira za koji se uplata vrši u novcu ili unosom stvari i prava i iznos i količina vrijednosnih papira za koji se vrši prenov.

(4) Vjerovnik emitenta dužan je prilikom upisa vrijednosnih papira u emisiji iz stava 1. ovog člana depozitaru predati ugovor o prenovu zaključen sa emitentom, ovjeren u skladu sa zakonom.“

#### **Član 2.**

Ovaj pravilnik stupa na snagu osmog dana od dana objavljivanja u „Službenim novinama Federacije BiH“.

Predsjednik  
Komisije za vrijednosne papire  
Federacije Bosne i Hercegovine

mr. Hasan Čelam

Broj:01-02-3622/10  
Sarajevo, 15. decembra 2010. godine